

TSAMAIISO EA KEREKE

 Re sa tsoa koala kōpano e khōlō ea masiu a mahlano tabernakeleng, moo, ka mohau oa Molimo le ka thuso ea Hae, ke lekileng ka thata, ka Mangolo, ho hlophisa Kereke ea Morena Jesu Kreste malulong, kamoo re lumelang joaloka Branham Tabernakele.

² Ntho ea pele eo ke batlang ho e bua ke hore ka mehla molisa o bolaoling bo tletseng ba tabernakele ha ke le sieo, 'me ke sheba molisa feela ha ke khutlide. Ka hona, o bolaoling bo tletseng ho fetola kapa ho etsa sefe seo a se hopolang se le khabane, tlas'a boëtapele ba Moea o Halalelang, nakong ea bosieo ba ka.

³ Re lumela ho Kereke ea boapostola, ho ruta batho ba letsatsi lena mahlohonolo a boapostola. Re lumela ho Evangelie tletseng, le ho lumela hobane lipontšo tsohle le meeka e boletsoeng ke Morena Jesu Kreste oa rōna, e tla tsamaea le Kereke ea Hae A tle a be a khutle. Re lumela linthong tseo, 'me re lumela li tlameha ho hlophisoa, hore Kereke e setiloe ka tsamaiso ea eona. 'Me kereke e 'ngoe le e 'ngoe e setiloe lithuto tsa eona, le tsamaiso, le tao.

⁴ Litho tsa kereke ea rōna ha li ingolise mabitso. Re lumela Kereke eohle e ka lefatšeng lohle ea Molimo o phelang e le baena ba rōna le likhaiseli; le hoba batho bohole ba amohetsoe ka mehla, ho sa tsotelloe boikamanyo ba bolumeli ba bona, mona Branham Tabernakele, Eighth le Penn Street in Jeffersonville, Indiana.

⁵ Re lumela "ho beoa ba lokileng ka tumelo," Baroma 5:1. Re lumela hoo, hoba motho a beoe ea lokileng ka tumelo, o fuoa khotsa ho Morena Jesu Kreste. Empa ho ka etsahala motho eèna enoa a ateloe ke litloaelo tse kang ho noa, ho tsuba, ho etsa lintho tse sa mo tšoanelang, litloaelo tse litšila tsa nama.

⁶ Ebile re lumela Mali a Jesu Kreste a halalletsa motho enoa mosebetsi oa Morena. 'Me ke ho re, re lumela "khalaletsa" ho latèla Baheberu 13:12 le 13, "Ka baka leo Jesu le eèna, A tle a halaletsa batho ka Mali a Hae ka Sebele, o kile a utloisoa bohloko ka ntle ho menyako." 'Me re lumela khalaletsa e rutoa ka har'a Testamentse e Ncha, 'me e baletsoe balumeli ho haola le mongoaha oa Testamente e Ncha, e leng oo re phelang ho ona joale. 'Me re boetse rea lumela hoba motho a halaletsoe, litloaelo tse sa hloekang li tlohile mothong eo.

⁷ Ke molumeli ho Morena Jesu Kreste, 'me litloaelo tsa hae li nyametse, re lumela lekhatheng leo e le nkhetheng oa "kolobetso ea Moea o Halalelang," e tlang e le ho tlatsoa ha molumeli. 'Me joale ha molumeli . . .

⁸ E mpa feela, ke e rutile khafetsa, ka papiso ea ho thonaka galase kantle serapeng sa likhoho. *Tokafatso* ke "ho e thonaka,

u ikemisetsa ho e sebelisa,” ka sepheo pelōng. Molimo o sebetsa moetsalibe joalo. O sa ntse a le litšila.

⁹ A ntano hloekisoa ka Mali a Jesu Kreste. ’Me lentsoe *halaletsa* ke lentsoe le mafapha-fapha, le bolelang, “ho hloekisoa, le ho beeloa ka thoko tšebetsong.” Kahar’*a* Testamente ea Khale, aletare e ne e halaletsa lefiso, le ntano beeloa kathoko ho sebelisoa.

¹⁰ Re lumela e le Moea o Halalelang o kenyang lefiso leo tšebetsong. Hore Moea o Halalelang ha se khato e ’ngoe ea mohau, empa ke mohau o eketsehileng o tlatsang molumeli ho fihlela moo lipontšo le meeka, tse kang lineo tsa boapostola tse boletsoeng ho Bakorinthe ba Pele 12, li iponahatsa ka molumeli enoa mohla Moea o Halalelang o kenang ho nka neo ena.

¹¹ Ke lumela Lengolo le ruta ho thoe “lineo le lipitso ha li tlisoe ke pako,” ha re tsoaloa lefatšeng lena, re tlisoa koano ka morero o le mong, ona, ke oa Molimo. Hore le pele re finyella batho ba holileng, re sa le bana, lineo tsa Molimo tse ahileng ka ho rōna li loheletsoe ka ho rōna mohlang oo, ’me ho tlatsoa ka Moea o Halalelang ke hona ho feela ho fehlang lineo tsena; empa re li ruile le ho qaleng, joaloka baruti, le baapostola, le—le baporofeta, le lineo tsa lipuo, le lineo tse robong tsa moea ho latèla Bakorinthe ba Pele 12. Joale, re lumela lineo tsena tse ngata li sebetsa kajeno, ’me li tlameha ho fumanoa kahar’*a* kereke e ’ngoe le e ’ngoe ea lehae.

¹² Leha ho joalo, re fumane, lefatše ka bophara, bohalote bo bongata bo qhoaetsoe bathong ba ipitsang balumeli ba boapostola. Joaloka ha ba fumanoa liemong tse ling, le joalo-joalo, re fumane mahalote. Esale ho lutse joalo, re ba fumane mengoaheng. Ba e fumane letsatsing la boapostola; le joaloka ha Pauluse a buile mono, ka moo ba bang ba keneng ’me “ba ba khelositse, ho latèla lithuto lisele,” le joalo-joalo. Empa thutong ea hae ka seqo, o itse, “E ka re ha Lengelo le tsoang Leholimōng le ruta taba eseles,” ho eo a e rutileng, “le rohakoe.”

¹³ Ka hona, rōna, joaloka Branham Tabernakele, mona Eighth le Penn Street, re leka ho sala lithuto tsa Testamente e Ncha morao. Hobane, re lumela Hoo, “Jesu Kreste, ke Mora oa Molimo.” ’Me moapostola Pauluse o ne a bitsoe ’me e le lefiso le khethiloeng, ka khetho ea Molimo, le romelloang Kereke ea Balichaba ho e hlophisa malulong.

¹⁴ Joale, re lumela “kolobetsong ea metsi,” kahar’*a* Branham Tabernakele, ka ho qoelisoa, “ka Lebitso la Morena Jesu Kreste,” e le thuto ea boapostola ea Bibebe. ’Me ekare litho tsohle tseo, kapa, bao ba tlang Branham Tabernakele, ba lakatsang tse joalo, nako efe le efe (ba qèlang joalo) ba qoelisoe, ka Lebitso la Morena Jesu. Ba rerisana le molisa; haeba ba bakile, ba lumetse ho Morena Jesu Kreste, molisa o tla etsa hoo, ka potlako e ka khonehang, kapa haeba a khona, a ba kolobetse ka potlako.

Ketso ena e ba kenya bolekaneng ba balumeli. Rea lumela ka kolobetso ea metsi re kenngoa bolekaneng.

¹⁵ Empa kolobetso ea Moea o Halalelang, e re nokela ho beoa litho, ho beoa litho tsa 'Mele oa Jesu Kreste, o leng lefatše ka bophara.

¹⁶ Joale, ntho e 'ngoe eo re e lumelang, ho re, "Ponahatso ea Moea e neoa e mong le e mong ho hahisa bohle." Joale, rea lumela ha lineo tsena, le lintho tse joalo, li sebetsa ka Kerekeng, etsoe re chesehella re labalabela batho ba fuoeng lineo ke Moea, ho tla tla rapela le rōna.

¹⁷ Joale, mabakeng a mangata, rea fumana lineo tsena ha li kena bathong, batho ha ba utloisise *mokhoa* le *nako* ea ho sebelisa lineo tsena, 'me, ka ho etsa joalo, ba lihela sekhobo; etsoe re lumela e le hantle seo Satane a ka se etsang ho etsa hore ba kantle, ba sa lumeleng, le ba joalo, ba tšabe lehlohonolo le bokoang lena leo Molimo a le fileng Kereke matsatsing ana.

¹⁸ Pauluse o itse, "E mong ha a kena har'a rōna, 'me bohle re bua ka maleme, ana motho eo a ke ke a tloha a re tlaleha re 'hlanya'? Empa ekare ha e mong a porofeta, 'me a hlahisa makunutu a pelō, ba tla itihela ka mangole ba re, 'Ruri, Molimo o na le lōna.'"

¹⁹ Joale, re lumela lineo tsa moea, har'a balumeli, ke tsa bohloko a letsatsing lena. Re ke ke ra lumela hobane motho a ka rera tlas'a pululelo e be, kapa, e be moruti ea bululetsoeng, a ntano hanela neo ea pholiso, kapa neo ea boporofeta, kapa ho bua ka maleme, kapa koahollo ea maleme, kapa efe har'a lineo tse ling tsena.

²⁰ Ka hona, ha ho le joalo, tumelo ea ka ke ena Lentsoeng la Molimo, ka moo Branham Tabernakele, mona Eighth le Penn Street mona Jeffersonville, e lokelang ho tsamaisoa. Kea kholoa, ntho ea pele, 'me ke lumela lintho tsena tseo ke li bolelang li le bohloko a li hloka ho ntšeletsoa ka tsela ena, kahar'a Branham Tabernakele, e tle e atlehe Moreneng. 'Me nakong efe haeba lintho tsena, taba ena e ka botsoa, motho ea ipotsang ka eona a ka rerisana le 'na haeba a sa fumane molisa, kapa ba ka rerisana le molisa. Haeba ke le teng lapeng, ke ile maetong a mofuta, ke tla thabela ho—ho thusa phutheho kapa molisa nako efe le efe. 'Me lintho tsena li khema le Lengolo, 'me ke lumela e le tsamaiso ea Kereke.

²¹ Ke nahana, pele, setho ka seng, kapa, morapeli e mong le e mong, oa Branham Tabernakele, o tlameha ho kena leratong le Mokhethoa hakana nq'a e mong ho fihlela e ka... lipelō tsa bona li tla llelana ha ba tlameha ho arohana, ho salisana hantle tšebeletsong, bosiu. Ke molumeli ea tletseng ho "lerato le Mokhethoa." Moapotola Pauluse o le bitsitse bopaki ba Moea o Halalelang. "Ka tsena, batho bohle ba tla tseba hoba le barutuo a ba Ka," ho boletse Jesu, "ha le ratana." 'Me re lumela lerato

la Molimo e le lona le rometseng Jesu Kreste lefatšeng, ho re shoela bohle. "Hobane Molimo o ratile lefatše hakaalo, O bile oa nehela Mora oa Oona ea tsoetsoeng a inotsi, hore ea lumelang ho Eëna a se ke a timela, a mpe e be le Bophelo ba ka mehla." 'Me Bophelo ba ka mehla mona ke "Bophelo ba Molimo ka Seqo," hobane re fetoha bara le barali ba Molimo, ka kolobetso ea Moea o Halalelang; e leng Peō ea Abrahama, 'me re fuoa tumelo eo ea Abrahama, mohla a lumetseng Molimo le pele a bolotsoa.

²² Joale, ntho e latèlang, re lumela barapeli bana ba tlameha ho "kōpana 'moho, batho bana ba ötliloeng ka lineo," tse kang maleme, le batho ba haptjoang ke litšenolo le likoahollo, le joalo-joalo. Litho tsena, kapa, balumeli bana, ke rialo, ba kōpane bonnyane metsotso e mashome a mane a metso e mehlano kapa hora le pele tšebeletso e qala. Kereke e buloe ka nako, 'me balumeli ba kōpane ka masiu ana, bonnyane metsotso e mashome a mane a metso e mehlano ho isa hora pele tšebeletso e qala.

²³ Kea lumela, ka linako tsohle Branham Tabernakele e tlameha ho fumana seletsi sa piano se tletseng Moea, ea ka fihang phakela, a tletse Moea o Halalelang, 'me a letse hasesane, hasesane haholo, 'mino oa moea, tse joaloka, "Tlase sefapanong moo 'Moloki oa ka a shoeleng, teng ka llela tlhoekiso sebeng sa ka; teng Mali a tlotsitsoe pelöng ea ka, ho rorisoe Lebitso la Hae!" Ntho e kang eo. "Haufi, Le Molimo oa Ka, Haufi le Uena." "Lefika la Mengoaha, le petsoletsoeng 'na." Kapa, "Hona Sefapanong," kapa ntho e kang eo; hasesane, butle, ka maikutlo a boimamelo nq'a Moea o Halalelang, monna kapa mosali, e ka bang mang.

²⁴ Hape ke lumela barapeli, ba kenang, ba khahlanyetsoe, 'me tsa bona... ho fanyehoe libaki le likatiba tsa bona, ba bontsöe litulo tsa bona, kamohelong e mofuthu e ka hlakisoang feela ke diashara kapa badikone ba tletseng Moea o Halalelang, le ka lerato, ho bona hore Kereke ea Molimo o phelang e tsoelapele.

²⁵ Barapeli bana ha ba tlameha ho qoqa, ba hoeletsana, ba hloliea ka kerekeng.

²⁶ Ba tlameha ho kōpana. Pele, ba ke ba kene thapelang e khutsitseng, mohlomong aletareng, metsotso e 'maloa. E seng thapelo e lerata, u sitisa motho e mong; thapelo ea khutso, u ntse u rapela. Taba eo e thopothele. Ho rapela, moeeng oa hao, u ntano khutlela setulong sa hao.

²⁷ Kapa, ha u a tlameha ho ea aletareng. U ka kena feela ua lula setulong, ua lula fatše, ua mamela 'mino; ua tutubala, ua inamisa hloooho ea hao; 'me, ka khutso, u rapele Molimo, ka linako tsohle.

²⁸ 'Me Moea ha o tšoha o senoletse e mong taba, kapa—kapa motho a tlale Moea hoo a ka buang ka maleme, motho enoa a eme a hlahise molaetsa. 'Me e mong le e mong a khutse ho fihlela koahollo e khutlile.

²⁹ Koahollo ha e khutla, e se be pheta-pheto ea Lengolo, kapa taba e se nang moevelo. Eka loketse e be molaetsa o lebisoang ho Kereke, ho seng joalo re tla e hopola e le taba ea nama; re bona taba eo e jele setsi. 'Me joale, ke—ke lumela, e—e Moea o tlameha ho bua feela e le "khahiso ho Kereke."

³⁰ 'Me joale, e tla ba molaetsa, taba e kang ena, mohlomong. Ha re re lekhatheng lena batho ba phuthehile, ho kena motho ea itseng ea kulang. Ha re re motho o robetse mono, a shoele litho kapa ho hong. Ha u eso 'mone pele. Empa koahollo ha e fihla, e be taba e kang ena; nakong ea koahollo, kapa ea sa tsoa bua, a ka re, "Be, HO RIALO MORENA, monna ea har'a rōna o tsoa tulong ea *hore-le-hore*," a hhalose tulo eo. 'Me a re, "O shoele litho hobane, lilemo tse tharo kapa tse 'ne tse fentileng," kapa e ka bang eng, lebaka e ka ba lena, "o entse bobe," bo kang, "o lahlile mohatsa e le bana, o ba balehile. 'Me o oeple sekafoleng," kapa ntho e kang eo, "me o lemetse, a shoa litho. HO RIALO MORENA, ha a ka e bakela, a tsepisa ho khutlela ho mohatsa'e a boelane le eèna, o tla folisoa hona joale a khutlele lelapeng la hae."

³¹ 'Me le pele motho a ka bua letho, bonnyane ba babeli, kapa ho feta, banna kapa batho ba kahar'a moaho, ba rutehileng Thuto ea Evangel, ba öttiloeng ka temoho e enneng ea moea, o tla ema a re "Ke taba ea Morena."

³² 'Me taba ena ha e sa etsahale, maleme ao a se phetoe har'a kereke. Ea buang ka lipuo, Pauluse o itse, "Mokoaholl ha a le sieo," le joalo-joalo, "ba bue lelapeng la bona," kapa e ka bang kae, "hoba ba ikhalaletsa e le bona, ha se ho hahisa Kereke."

³³ Motho enoa ka hona, hoba a bue, le koahollo; baahloli ba babeli kapa ba le bararo, ho latèla Thuto ea Santa Pauluse ea Bibe, ho thoe loketse ho "ahloloa ke baahloli ba babeli kapa ba bararo."

³⁴ Motho eo O mo thonyang, ho eang teng. 'Me eona, ho ka laeloa motho ea itseng, kapa molisa kapa motho ea itseng, ho ea beha motho enoa matsoho, eèna a kula kapa a le mahlomoleng, 'me ba tla folisoa. Ebe moo molisa kapa motho e mong, mang ea thontsoeng ke Moea o Halalelang ho tloha ho ea "rapela thapelo ea tumelo," ba ka tloha ba sebeletsa motho enoa ho latèla polelo ea Moea. Ka nako ena, motho enoa eo holim'a hae... 'Me sohle seo Moea o Halalelang o se buileng, se tla etsahala, hang lekhatheng leo, ka moo Moea o Halalelang o se abileng.

³⁵ 'Me batho ba ka nyakalla, ba leboha, ba rorisa 'me ba rapela Molimo, hobane Molimo o batla ho khumameloa.

³⁶ Hape ba tsoanel—aape ba tsoanel ho inamisa lihlooho tsa bona 'me ba boele ba rapele, ho bona haeba molaetsa o mong o le teng oo Moea o Halalelang o batlang ha lineo tsena li ka o bonahatsa, pele.

³⁷ 'Me nako efe ha motho a bua ka lipuo, a koaholla, 'me e—e baahloli ba romela motho ho ea nka, ho etsa sohle se tlalehiloeng

se loketse, se sa hlahe, sehlopha sohle sa bona se tla ea aletareng 'me teng se rapele Molimo ho tlosa moea oo holim'a bona, hoba ho se mang ea ka batlang moea o joalo. Re tla o tseba o le bohata, e le oa sera, 'me e se oa Molimo, hoba Molimo o ka bolela 'nete feela. Taba eo e utloisiso ke kereke ka ho hlaka, le pele le qalisa sena, tsamaiso e ncha ena.

³⁸ Hape, ha re re, e be taba e kang ena, molaetsa o ka bolella moena ea itseng, ho ka thoe, o re, e be, "Ea lulang pel'a mabapa le seporo sa terene," kapa ho hong, "a falle a tlohe, hobane tseleng eo ho tla hlaha kotsi," kapa ho hong, ntho efe e kang eo.

³⁹ 'Me baahloli, hoba ba lumelle kereke ho bua, kapa ho hlakisa molaetsa ona o sa tsoa tsoa, haeba kahlolo ea bona e le, "Ke taba ea Molimo," le e shebelle le bone haeba e tla etsahala.

⁴⁰ 'Me ha e hlaha, ho lebohuoe Molimo, 'me o apare bokhabane—bokhabane pelōng ea hao nq'a ho Èèna. 'Me u Mo rorise u rapele, 'me u ikokobetse. Holima lintho tsohle, ikokobetse.

⁴¹ U se ke ua nona pelō ua tseba ho feta molisa oa hao kapa kereke eo u rapelang ho eona. Ha u fihla tulong seo, ke eletsa mang oa lōna ho ipatlela tulo eseles ea ho rapela. Hobane, ke kōpa molisa le ka mohla ho se lumelle letho le kantle ho tsamaiso ea Bibele, ka moo re e boneng mona kerekeng. 'Me re batla ha lineo tsena li laoloa, li hlonngoe malulong, le barapeli. Ha li ka ntšeletsoa ka tšoanelo, ho latēla Lentsoe, le tla bona kereke e matla, e khabane e sebeletsang Morena Jesu Kreste oa rōna.

⁴² Joale, ntho e latēlang e tla etsahala, batho bana ba ōtlieloeng, ha ba tsoa taolong linakong tsena, e re modikone kapa ashara e itseng e tletseng Moea o Halalelang ea enneng mohau pelōng ea hae, a ee mothong enoa, ka tšabo, se sa ntate, a ba hlophise ka tsela ena. Kapa, molisa, e ka bang mang, molemo e ka ba ha e etsoa ke badikone; hobane molisa, nakong ena, mehleng ea tšebeletso ena ea moea, o tlameha a be a lutse phaposing ea thapelo, kapa nq'a e 'ngoe, a ntse a rapela.

⁴³ Melaetsa ena, ka hona, ha ho se melaetsa e tsoeletseng, ho se litšenolo, batho ba fuoa monyetla, ha ba lakatsa, ho ema le ho paka, bopaki bo etsetsoang khanya ea Molimo feela. Ha ba tlangoa ho etsa sena, empa mapaki a ntshoe pele ho molaetsa kapa pele tšebeletso efe ea lifela e qala, kapa ntho efe, mapaki litšebeletsong tsena tsa thoriso.

⁴⁴ Na le a utloisia, kereke, ho re, ka ho etsa sena, le kenya kereke eohle tlas'a moea oa thoriso, pele Lentsoe le fihla le rutoa? E be moo Moea o Halalelang o kenang Lentsoeng, ho bonahatsa Molimo ka Lentsoe, ho thasisleetsa tšebeletso ea lōna ea thoriso.

⁴⁵ Joale, ka morao mona, ke nako ea molisa ho tla. Ha melaetsa e ntse e tsoeletse, ha re re . . . Molisa o tšoanelo ho tsoa hantle, ha re re, ka mashome a mararo ka morao ho supa, 'me, kapa kotara ea robeli. 'Me haeba melaetsa ena e ntse e tsoeletse, pele molisa a

fihla nthong ea hae . . . a tsoa setading sa hae, kapa moo a ka bang teng, ho nka malulo a hae kalaneng; moena e mong a mo eletse, hobane bahalaleli ba tseba hobane ha molisa a hloella kalana, ke nako ea hae ea tšebeletso. 'Me hoo ho etsetsa ponahatso ea lineo tsohle, nako e ngata, ho tlisa Moea oa Molimo ka har'a—ka har'a phutheho.

⁴⁶ Ha ea sa lumeleng a tšoha a le teng, a tsoile taolong; motho ea pelōnolo o tla ea ho bona, joaloka ashara kapa modikone, a 'molelle hore ba tla—hore ba . . . ho koptjoa ho hlompha, kapa a itšoare ka hlompho nakong ea tšebeletso. Hobane, Moea o kahar'a moaho, 'me lineo tsa Molimo li bonahatsoa ho ahisa Kereke. 'Me motho enoa a boleloe ka lerato, a sa khahlapetsoe. Ha e se ha ba noa, kapa ba bang ba sa mamele, kapa ntho e efe e ka sitisang ho—ho rapela Morena, etsoe lineo, lekhatheng leo, li a bonahatsoa; ka hona motho eo eka khona, o tla, kapa o tlameha ho memeloa kathoko, phaposing e 'ngoe e ka morao, kapa nq'a e 'ngoe, ho buisanoe le eēna, ho sebetsanoe le eēna, ka mosa.

⁴⁷ Joale, ka nako ha molisa a tla kalaneng . . . Hoba molisa a fihle kalaneng, nka eletsa tjena, joaloka Branham Tabernakel mona, molisa e etelle phutheho pele bonnyane ka sefela se le seng se monate kapa tse peli. Hoba re fumane sena hape, ha batho ba bangata ba leka ho laola . . . ka kerekeng, e baka mathata feela. Nka eletsa, kamoo nkileng ka etsa mehleng ea boalosi ba ka kerekeng, ke ne ke etella lifela pele, ka bona. 'Me ke utloa e ka ba molemo ha molisa a etsa joalo, ka seqo.

⁴⁸ 'Me likōpanong tsohle tsa thapelo, ha ba phuthehile 'moho, lihlopha tse phuthetseng thapelo, molisa a kenele e 'ngoe le e 'ngoe. Ha ho motho mang ea tla tlohellosa ho etella likōpano tse joalo pele. Hobane re e fumane, ba kheloha tsela, thutong, 'me ba hlahisa, ba e khutlisetsa kahara kerekeng, 'me, hangata, ho hlaho bokhelohi, le joalo-joalo, bo sa tšoanelang Kerekeng ea Molimo o phelang. 'Me molisa o tlameha ho kenela likōpano tsohle tsa thapelo, le joalo-joalo, moo phuthe- . . . likōpano li tšoeroeng.

⁴⁹ 'Me molisa ha a tlameha ho ba leeme kōpanong, ka ho tlaleha sehlopha se seng se le ka tsela *ena* le ka tsela *eane*. Molisa o tlameha ho ema lipakeng tsa bobeli boo, 'me a ba atamele, ho ba boelanya, ka potlako. 'Me ha a sa khone ho ba boelanya, a felehetsoe ke modikone. 'Me haeba ba—ba sa utloe molisa kapa modikone, e boleloe pel'a kerekeng, 'me, joaloka ha Jesu a boletse, "Ho lōna e be mohetene le mobarebare." "'Me sohle seo le se tlamang lefatšeng," Jesu o itse, "Ke tla se tlama Leholidmōng, le seo le se lokollang lefatšeng, Ke tla se lokolla Leholidmōng."

⁵⁰ Joale, ha molisa a fihla kalaneng, e re molisa a e etelle pele, ka—ka bonnyane, sefela se le seng kapa tse peli, 'me a tobe Lentsoe ka kotloloho.

⁵¹ Ha ho nako ea likōpano tsa mapaki a malelele ana, 'me ho ema mang le mang, 'me o bua lentsoe. Taba eo ha e atlehe

Branham Tabernakele.

⁵² Haeba batho ba mametse lebanta lena, 'me, lōna, e atlehile kerekeng ea lōna, be, e lokile ka ho phethahala. 'Me re thabetsé hoo haholo, ha e le moo e atlehah kerekeng ea lōna.

⁵³ Empa ho ea rōna mona, ha e joalo, e ferekanya feela. Mona ke se ke alositse lilemo tse ka bang mashome a mabeli le ho hong, 'me ke e fumane e ferekanya feela. Ha u tsoere bopaki, bo hlahise pel'a e... phutheong ea batho, nakong eo Moea o ntseng o hlohonolofatsa, le joalo-joalo.

⁵⁴ Kapa, mokhoa o loketseng ho paka, ha se karekeng, ke kantle libakeng tse lefifi. Leseli la hao le khantše lefifing. E-ea tameneng le libakeng tse fapaneng, moo sebe le lintho li qhobellaneng, khantša Leseli la hao. Ke eona nqalo ea ho etsa hoo.

⁵⁵ Empa, leha ho le joalo, haeba Morena a u hlohonolofalitse 'me a u file lehlohonolo le leholo le ikhethang, kapa seo u batlang ho se bolella batho, e etse nakong ea tšebeletso e 'ngoe, tšebeletso ea selelekela, mafato-a-lipoho, kapa nakong eo Moea o ntseng o hlohonolofatsa o ntša mapaki le litšenolo, le lipuo le likoahollo, le joalo-joalo, nakong ea thoriso, ea bahalaleli, pele Lentsoe la Molimo le hlahisoa.

⁵⁶ E be moo molisa, hoba a phokolee sefela sena, o tla etella kereke ka thapelo, e le thapelo ea phutheho, ka sebele, a sa eme kalaneng, a kōpe bohole ho inamisa lihlooho tsa bona thapelang.

⁵⁷ Hona re ho fumane e le lehlohonolo le leholoe, 'me ke taelo e busang kereke ka tsoanelo.

⁵⁸ 'Me ebe, se latēlang seo molisa a tlamehang ho se etsa, ka morao. Haeba ba ne ba tšoere kōpano ea makhonthe ea moea, 'me lineo li hlahatsa merero e mengata ea lipelō tsa batho, le lintho tse lokelang ho etsoa ke lineo kōpanong; Moea oa Molimo o kahar'a kōpano, 'me ho bonolo haholo ho molisa lekhatheng leo ho finyella Moea oa Molimo (o seng o le kahar'a kōpano) holim'a Lentsoe la Molimo, ha a bala a qala a rera. Molisa a ka rera seo Moea o Halalelang o se behang pelōng ea hae, sohle seo a lakatsang ho se etsa, a sa ntse a eme mono.

⁵⁹ Empa phutheho e tlameha feela ho... Ba ka nyakkalla, ha a rera, ehlide, kapa ho re "amen" ha Lentsoe le etsoa. Empa, ho latela ho ema le ho hlahisa melaetsa ka liteme le ka koahollo, nakong eo e—e Moea o Halalelang o sebetsang ka molisa, Lengolo le a e khalema, 'me ho itsoe, "Moea oa baporofeta o ikokobeletsa moporofeta."

⁶⁰ Molisa o tlameha ho bitsa motho enoa, ho mo kōpa ho apara tšabo le ho lula tulong tsa hae. Molisa e be motho oa semelo se ithobileng, feela ea sa ikokobetsang haholo a mpe a tšoane le Morena Jesu Kreste mohla A boneng phoso e hahabang ka kerekeng, O lohile maratsoana a ba lelekela kantle ho kereke.

'Me joale Kereke ea Molimo ke ntlu ea kahlolo, 'me molisa ke bolaoli bo phahameng ho fetisa Kerekeng. Moholo ke ntho e phahameng ho fetisa Kerekeng ea boapostola, kathoko ho Moea o Halalelang. Moea o Halalelang o tlisa Molaetsa oa Oona ho moholo ka kotloloho, 'me moholo O tlisetsa batho.

⁶¹ Bahalaleli le lineo tsa bona ba tla fuoa malulo a bona, pele, ho khumama le ho phutheha 'moho, e leng hona ho tlisang (ka moo ke boletseng pele) Moea oa Morena, ka moahong, bakeng sa molisa. 'Me ho ba bobebé hore Moea o Halalelang o sebetse ka eèena lekhatheng leo, ha kópano e ntle ea moea e lelekela thuto ea hae; ebe Moea o Halalelang o kena Lentsoeng o ruta Lentsoe; o sa tsoa bonahatsoa ke lineo.

⁶² 'Me ho memeloa aletare lekhatheng leo, hamorao, 'me bongata bo tla bona 'me bo tsebe, ho latèla t'sebetso ea Moea o Halalelang, le Lentsoe la Molimo, leo molisa a Le behang, ho thoe le Kereke ea Molimo o phelang. 'Me joaloka ha Pauluse a buile, khale, "O tla itihela fatše 'me a re, 'Ruri, Molimo o na le lôna."

Joale, linthong tsena, li etsoe ka tšabo ea hlompho.

⁶³ 'Me joale ho molisa (ho Moena Neville oa rôna, nakong ena), le hopole, ke hlooho e tletseng ea kereke. Moena Neville o na le tokelo ea ho hlakisa boholo bofe boo Moea o Halalelang o ka bo ratang, hofe le hofe hoo Moea o Halalelang o ka mo laelang ho ho bua, ka mantsoe a mang. Ka kerekeng, o na le tokelo nthong efe eo Molimo a ka mo tataisang ho e etsa. Hape tokelo ea hae e holim'a lekhotla la badikone. A ka fetola lekhotla la badikone, diteraseti, kapa—kapa seletsi sa piano, kapa ofisi efe ka kerekeng a batlang ho e fetola, a ikutloa a etelloapele ke Moea o Halalelang ho etsa joalo. 'Me sohle seo a se etsang, ke tla se ela hloko, ka ha eèena (kea lumela) e le monna oa morapeli. Ke tla e ela hloko e le taba ea Morena, 'me ke tla e omela kâ ho tšoana, o fuoa boholo ho tsamaisa kereke ka moo a ikutloang a tataisoa. Joale, kapa, ofisi efe ka kerekeng, haeba a lakatsa ho—ho—ho fapanya litulo, tsa batho, ka ha a filoe boholo ho etsa hoo. Etsoe, ke tšepa sena se tla lula se rateha ka mehla se sa lokela ho sebelisoa.

⁶⁴ Joale, Morena a le sitse bohle. 'Me ke tšepa sena se tla ntšeletsoa ka bokhoni bo khabane ba tsebo ea lôna. 'Me Moea o Halalelang a lebele e mong le e mong oa lôna.

⁶⁵ 'Me ofisiri e mong le e mong oa kereke a phethise kabelo ea bolebeli ba hae, ka ho tseba sena, Molimo o tla le jarisa boikarabelo ka moo u ileng ua tšoara ofisi ea hao ka kerekeng. E mong le e mong oa lôna o tla lokela ho ikarabela.

⁶⁶ 'Me ho phutheho, le bahalaleli ba ratehang ba ôttiloeng ka lineo kahar'a kereke ea rôna, bao ba—ba porofetang, kapa ba bua lipuo, kapa ba fetola, kapa ba fuoa litšenolo, re thabile haholo ho ba le lôna kahara kereke. 'Me re tla sebelisana le lôna ho sohle seo Moea o Halalelang a tläng ho kholisa A le boleletse sona. 'Me rea le rata. 'Me rea lumela lineo tsena li ahile ka ho lôna, 'me haeba

le fuoe monyetla o loketseng, le oa Mangolo ho li hlahisa, le tla ba basebetsi ba baholo har'a rōna. 'Me Morena a le sitse bohle, eo ke thapelo ea ka e tšepehileng.

⁶⁷ Bakreste, ho tloha ke mametse lebanta lena, ke bone ke siile ntho e le 'ngoe, 'me eona ke ena: hore, khabareng ha batho ba bua ka lipuo, e tšoanela ho etsoa ka mekhahlelo ea "ba babeli kapa ba bararo," ho ea ka Mangolo. Ke ho re, e ka khona ho abjoe melaetsa e 'meli kapa e meraro feela tšebeletsong e le 'ngoe. Ka morao ho moo ho latèla Mangolo, ho thoe, "Mekhahlelo ena; e ka khona e be babeli feela, kapa ba bararo." Ka hona le phethise lintho tsena, ka tsela eo, ho ea ka Moea o Halalelang o e laotseng Bibeleng ea Hae. 'Me ke ho re, ho latèla bokhoni ba tsebo ea ka, e sebetsoa joalo. Pauluse o itse, "E etsoe ka mekhahlelo, ea ba babeli kapa ba le bararo, ha ba ntse ba bua." Morena a le hlohonolofatse.



TSAMAIISO EA KEREKE SST58-1007

(Church Order)

LETOTO LA BOITSOARO, TSAMAIISO LE THUTO EA KEREKE

Molaetsa wona, ka Moena William Marrion Branham, o rerilwe sethatong ka Senyesemane o reriloe Labobedi, Mphalane 7, 1958, Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org